



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 31 yanüari 2024

Desaroyo di preisnan pa konsumidó na Kòrsou pa luna di novèmber i desèmber 2023 i sifra di inflashon pa aña 2023

Willemstad - For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi ku 0,7 porshento na luna di novèmber 2023 kompará ku luna di òktober 2023. Na luna di desèmber 2023 e nivel di preis a subi ku 0.2 kompará ku luna di novèmber 2023. **E sifra di inflashon pa aña 2023 ta 3,5 porshento.**

Desaroyo di preis luna di novèmber 2023 kompará ku luna di òktober 2023

E sifra índise di preis pa konsumidó (CPI, “Consumer Price Index”) di Kòrsou a subi ku 0,7 porshento na luna di novèmber 2023 kompará ku luna di òktober 2023, e la desaroyá di 120,3 na oktober 2023 pa 121,1 na novèmber 2023.

Na luna di novèmber mayoria di e kategorianan di konsumo a bira mas karu. E kambionan di preis spesífiko ku mas a sobresalí durante luna di novèmber 2023 ta; Artikulonan di kas (1,5%), Salubridat (1,2%), Rekreashon i edukashon (1,0%) i Kuminda (0,9%). Mas barata a bira e kategoria di konsumo Transporte i komunikashon (-0,1%).

Desaroyo di preis luna di desèmber 2023 kompará ku luna di novèmber 2023

E sifra índise di preis pa konsumidó (CPI, “Consumer Price Index”) di Kòrsou a subi ku 0,2 porshento na luna di desèmber 2023 kompará ku luna di novèmber 2023, e la desaroyá di 121,1 na novèmber 2023 pa 121,3 na desèmber 2023

Na luna di desèmber mayoria di kategorianan di konsumo a bira mas karu. E kambionan di preis spesífiko ku mas a sobresalí durante luna di desèmber 2023 ta; Sobra (2,0%), Rekreashon i edukashon (1,9%), Artikulonan di kas (1,0%), Kuminda (0,8%), Bebida i sigaria (0,8%). Mas barata a bira e kategoria di konsumo Transporte i komunikashon (-3,4%).

Desaroyo di preis riba término largu

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p’esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku september i òktober 2023 ku mes periodo un aña anterior, ta resultá ku preisnan na averahe a subi ku 4,0 porshento na novèmber 2023 i na luna di **desèmber ku 3,5 porshento**. E CPI promedio di 12 luna a desaroyá di 113,1% na luna di novèmber 2022 pa 117,6 na luna di novèmber 2023. E CPI promedio di 12 luna di desèmber 2022 a desaroyá di 113,8% pa 117,9 na luna di desèmber 2023.

////////////////////